

113723

Historia I <sup>kal.komp.</sup>pholacum


<sup>Mog. St. Dr.</sup>Pratolavienre gym. Elisabetanum.

Salvag: 730.

Fechneri Joannis: Horti Hesperidum etc.

1648.







C. D.  
HORTI HESPERIDUM  
IN  
PANEGYRI ANNIVERSARIA  
SEMINARII ELISABETANI  
AB ADOLESCENTIBUS NON-  
NULLIS

A. D. XIV. Maji

SERMONE VINCTO  
ET SOLUTO  
LUSTRANDI  
DUCTU

M. JOHANNIS FECHNERI.



V RATISLAVIÆ  
ANNO  
MDC XLVIII  
Typis GEORGI BAUMANNI.





## LECTORI BENEVOLO

SALUTEM, OBSERVANTIAM, AMOREM.

**E**st locus Æthiopum, quem propter vertice celso  
Torquet Atlas cœlum stellis fulgentib<sup>9</sup> aptum,  
Hesperiumq; subit Titan auriga cubile,  
Ut fessos operum solvat remone jugales.  
Emicat hîc facies longè pulcerrima rerum,  
Quæ retinet clarè vestigia lucida priscæ  
Ætatis, Cronii quæ puro floruit auro,  
Nescia dedecoris, fraudisq; ignara malignæ,  
Quâ mores sanctos maculavit ahenea proles.  
Æquor lunato subducit terra recessû,  
Deponitq; minas moderator cærus undæ:  
Littus at auricomis præcingit Silva theatris  
Dives, & è miti fulgent pomaria valle,  
Quæ densam fundunt summotis solibus umbram.  
Arboribus suis horror inest, venerandaq; luci  
Majestas removet pecudes turbamq; profanam,  
Castas ne violent sedes. Pavet ipse propinquus  
Accessum Faunus; Panes, Satyriq; petulci  
Hinc fugiunt, hortumq; procul venerantur amor-  
Hospitibus superis quem religiosa vetustas (num,  
Concescit, quorum sacer illic confluit ordo,  
Cum placet Æthiopum dulces accedere mensas,  
Nereidumq; domos, & visere Doridos antra.

113723

I  
br.



Scili-



Scilicet huc properat Sceptri gravitate relictâ  
Juppiter, in terris genialem ducere noctem.  
Cum visum est. Regem sequitur chorus ætheris o-  
Sithoniis Mars instat equis, Saturnia pictis (mnis  
Provehitur pavis: bijuges vaga Cynthia mulos  
Urget, Chaonias agitat Cytherea columbas.  
Hinc volat ales Amor, volat inde caducifer Arcas.  
Tandem Saturnus lentâ jam compede liber  
Advenit, & secum trahit ad convivia Janum.  
Labentem tacitè digitis qui computat annum;  
Plebs ruit inde poli cultu facieq; decorâ.  
Hesperus aurimicans procedit in agmine primo.  
Deinde venit Virgo, venit & Pincerna Deorum.  
Concordes Geminio radiant hîc Castores astro:  
Illic præcinctus stellis descendit Orion,  
Et Plejas, natale solum quæ gestit inire,  
Helles exultat vector, succedere gaudent  
Littoris illustri Silvæ Taurusq; Caperq;  
Præ reliquis Pisces inhiant argentibus undis  
Cominus, ardores cupidi restingvere favos.

Excipit in viridi cœlestes littore Doris  
Oceanusq; senex. Ripis insultat amoenis  
Nereidum genitor tremulo plangore cachinnans.  
Hunc circumludit Tritonum glauca juvenus,  
Quæ nunc tortilibus permulcet littora conchis,  
Nunc faciles urget Nymphas pernice natatu.  
Parte aliâ Proteus vario sub schemate ludos  
Exhibet: at senior nodosa corallia vellit,  
Et lautas exponit opes in margine Phorcus.



Interibi patulæ recubat sub tegmine mali  
Hospes grex Superum genium curare paratus.  
Expedit æternas auratis lancibus escas  
Hora decens: addit fructus Pomona recentes  
Arboris indigenæ, mensasq; coronide foetâ  
Exornat. Cyathos Hebe succincta propinat  
Plenos: nec cessat beneolenti spargere thymbrâ  
Convivas Chloris: non cessat Apollo Lyristes  
Increpitare fides, & molle cedere melisma,  
Æmula quod liquido Siren ediscit in antro,  
Et furtim recinit, sed fractis vocibus, Echo,  
Jamq; illibati vis Nectaris, & sacer humor  
Addit coelicolis animos, Comusq; facetus  
Incipit argutis quemcunq; fricare cavillis.  
Insonat omne nemus risu, blandiq; lepores  
Littus pervolitant. Applaudit murmure dulci  
Nereus, & tremulis adsibilat aura cachinnis.  
Sic nox exigitur plena inter gaudia, donec  
Ad se quisq; lubens redeat jam luce reversâ,  
Quam revocat roseo surgens Matuta cubili.

Verum lætitiæ cœlestis conscia tempe  
Ambrosiam manè spirant, dioq; rigata  
Nectare perpetuo fulgescunt veris honore,  
Et produnt lautis Superum vestigia signis.  
Nam quacunq; tulere pedes, violacea messis  
Promicat, & varios tellus calcata colores  
Induit. Hic calicem lucentia lilia pandunt,  
Illic Narcissus dilectis imminet undis  
Inscripti flores puerorum nomina passim.



Pubescunt, quos lacte suo Venus imbuit altrix,  
Quos pingit Charis, & variis diffingit elenchis.  
Hinc illis decus est, cui fertilis invidet Hybla,  
Hybla parens florum, quæ nulli cedit Hymetto.  
Quicquid turiparis spirat Panchaia dumis,  
Diffat hic, & dulci locus blanditur odore,  
Quem miscere nequit fragranti Cosmus aheni.

Detinet hic gremio tellus foecunda cadentem,  
Æthera, & amplexu nescit dimittere charo.  
Ferventi colles non latrat Sirius astro,  
Nec gravis infestat Nemeæ frondentis alumnus.  
Miri torrentes ramorum frigore Soles  
Frangit Silva comans, Hiemes nimbosq; crepantes  
Hoc nemus ignorat, nec fulmina Vejovis horret,  
Et nihil hortorum timet à tonsore Novembri.  
Exulat hinc crudusq; Notus, Caurusq; protervus:  
Solut enim Zephyrus felicibus imperat oris,  
Pictaq; lascivo trepidat per prata volatu,  
Dum leviter stringit natam sine semine Caltham,  
Frondebis & tremulis blando obstrepit usq; susurro.

Interea streperis concentibus aëra mulcent  
Indigenæ volucres, Jam Thracum tinnula pellex  
Voce doloris onâ nocturna silentia rumpit:  
Jam variata mele tenuis fringilla figurat  
Sub platano densâ: jam suave minurrit acanthis,  
Et qui prætereà viridi modulatur in umbrâ  
Oscen vocalis. Respondet littoris hæres  
Illius alcedo, querulasq; redintegrat odas.  
Nec tacet humanos sermones fringere sollers



Psittacus: hic fatuæ dicit convicia piceæ,  
Ac prohibet faustis bubonem insistere ramis,  
Et quicquid volucrum funestum præcinit omen.  
Auritas hilarat pomos symphonia discors,  
Dum cantus avium strepitu resonare loquaci  
Contendit nemus argutum littusq; reductum.

Hic æterna quies, hic est sincera voluptas,  
Nullæ quam turbant Diræ, discrimina nulla  
Infestare queunt. Luctum subitosq; pavores,  
Qui vexant mortale secus, discedere jussit.  
Læta cohors Charitum: pacis securus vagatur  
Per fruticeta Nape. Viret æternumq; virebit  
Arbor sacrilegas nunquam pascura bipennes,  
Aut cosfos, tacito qui rodunt dente medullam.

Sed refert dominas horti memorare benigni,  
Numine quæ dextro sacrum coluere viretum.  
Juno (ceu fama est) fratri nuptura Tonanti  
Aurigenas pomos munus dotale marito  
Contulit. At preci placuit dos aurea vero  
Nam nondum Vulcanus erat, qui perderet auri  
Nativam speciem luxu suadente sinistro:  
Nondum Mercurius lucro servire docebat  
Magnæ Matris opes, regina pecunia nondum  
Primævum splendore notho deceperat orbem.  
Macta fuit castis proles Saturni adonis.  
Ac licet ingenuo mox degeneraret ab auro  
Ætas deterior, cum simplicitate remota  
Senserunt primas argentea secula fraudes:  
Nil ramen amisit precii Junonia pomus  
Antiqui: tumuit caro post aurea foetu

Plan



Planta tenax prisca decoris gazæq; pærennis,  
Hoc decus ut foret æternum regnator Olympi  
Hesperidas Nymphas horto præfecit opimo,  
Et jugi cultu jussit curare potentis  
Dotaless Junonis opes. Hoc nempe rogabat  
Hesperus Hesperidum pater inclutus: ipse merebat  
Patruus hoc Atlas nimio sub pondere lassus,  
Cum tot numinibus compleret Juppiter aulam  
Mundi siderii, cum pellicibusq; nothisq;  
Divorum & monstris regnum cœleste pateret.  
Hic quoties vidit vicinâ in valle puellas  
Ludere cognatas, sedesq; tenere beatas,  
Elysii nemoris sortes quæ vincere possent,  
Mole sub ingenti lenimen amabile sensit,  
Versavitq; polos nisu leviore rotundos.  
Nec tantum primæ servavit originis aurum,  
Hesperidum germen, vario sed traduce crevit  
Silva, maritavit quam Juppiter imbre nitenti,  
Quo labens gremium Danaës replevit amicæ.  
Quid Corcyrei laudant pomaria Regis?  
Quid jactant vitreæ plantaria perfida Circes?  
Assyriæ cedat reginæ pensilis hortus,  
Cedant Tiburni, cedant & Adonidis agri,  
Albunæq; domus resonantis & uvida tempe,  
Quæ præceps Anio lambit nutricibus undis.  
Lucrinos taceat Surrentinosq; recessus  
Statiuss Aoniæ ter-maxima gloria Silvæ:  
Nullus in orbe locus Septis præluet amœnis,  
Hesperidum quæ cura colit. Non largius usquam  
Indulsi natura sibi, quæ prodiga cornu                    Hic



Hic pleno diffudit opes florentis acervi.  
Non mihi Phœmonœe plenos si perrigat haustus;  
Et quatiat pectus fœcundum Phœbus, & Orpheus  
Concedat citharam, rupes qua traxit & ornos;  
Delicias valeam totas æquare canendo:  
Sic mentem turbat pulcrarum copia rerum,  
Quæ vel grandiloquos possit lassare Marones.

Transeo perpetuâ Daphnonas fronde virentes,  
Myrtum prætereo Paphiam: nec brachia palmæ  
Victricis carpam. Non me dulcedine captum  
Ambrosiâ lotos, non ficus detinet alma.  
Laudabunt alii munus pallentis olivæ:  
Malus sola meos oculos mentemq; moratur,  
Malus Junonis rutilâ quæ dote superbit.  
Jactet Arabs auri montes, ostendet opum vim  
Vestifluus Medus crebro sudore paratam:  
Sponte suas peperit gazas fœcundior Hortus  
Hesperidum. Pomus tumuit crescentibus Auri  
Frugibus assiduò, malisq; refulsit opimis,  
Qualibus Hippomanes meruit Schoeneida victam.

At ne quis prædo faustis irrumpere septis  
Auderet, precioq; nemus spoliare beato  
Posset, vestibuli primo sub limine Serpens  
Procubuit vigili custos oculatior Argo.  
Janitor hic torquens squamosis motibus orbes  
Ante fores sacro vetuit succedere luco,  
Excubiis cautis Pomos tutatus & Aurum.  
Sed quid non audet superare duellica virtus?  
Perrupit clausos undis & rupibus hortos  
Alcides, & opes decerpfit ab arbore totas

Un-



Undecimum meritis cæso serpente triumphum,  
In mundo postquam, victrix quod clava domaret,  
Nullum restabat monstrum, nisi Cerberus ater.  
Scilicet hic angvis dirâ truculentior Hydrâ  
Visus, ut Herculeo qui non superandus agone  
Præstaret tutum rapidis â furibus aurum.  
Attamen hunc etiam virtutis nobilis ira  
Hostem prostravit, retulitq; brabea laboris  
Auriferos fructus, & lautum munus honoris.

Sed jam summoto narrabo vera colore,  
Quidq; vetus doceat fictis Sapiencia Pomis  
Hesperidum, curto memorabit carmine Clio.  
Vates, qui pleno ceperunt pectore Phœbum,  
His voluere typis graphicè depingere regna  
Fortunatorum nemorum dulcesq; recessus,  
Quos Sophie veneranda colit Sophiæq; caterva.  
Laurus ibi latè frondes extendit opacas,  
Quæ gaudent olim doctas præcingere frontes.  
Parte sed adversâ superas excurrit in auras  
Malus fæta, graves quæ solis temperat æstus  
Divitiasq; suas ramis turgentibus offert  
Cunctis, quæis volupe est illâ latitare sub umbrâ.

Hic igitur residet veri Sapiencia custos,  
Et nutrit docto plantaria læta liquore,  
Olli quem Pæandecumo de fonte propinat.  
Cultricem dominamq; nemus sentire videtur;  
Sic viret, & strophio frondente minatur inire  
Æthera, ceu Libani prostans in vertice Cedrus.

Quin & proclivis clementia deflua cœli



Educat aureolas stirpes, foruq; benigno  
Prolicuit ingenii dotes, sobolemq; Minervæ,  
Eminus ut fruges adolescens spondeat herba,  
Quæ vires cœlo & lactantibus imputat Horis,  
Nam refert multum, quo sit sub sidere nata  
Planta poli tradux Heliconeq; digna beato.  
Afflatu sine cœlesti non germinat arbor,  
Indecus æternum glaucæ quæ crescit Athenæ.

En quas delicias passim tibi pandit alumna  
Pulcrarum rerum Sophie, mitisq; genitrix!  
En fructus tibi quem lautos exponit ubiq;;  
Seu libeat terræ penitum lustrare cubile,  
Oceani seu patris opes scrutere profundas,  
Seu super astrigerum tollas tua lumina cœlum,  
Incumbens humeris quod fulcit bajulus Atlas,  
Atlas Hesperidum patruus, latèq; tyrannus  
Occidua partis mundi Libyæq; remotæ!  
Nimirum hic primus cœlum cœliq; meatus  
Rimari & variis palantia sidera gyris  
Metiri radio, & numero comprehendere certo  
Edocuit parvis includens æthera circis.

Iccirco Sophiæ tanto complexa favore  
Atlantem est, ut propter eum sua regna laresq;  
Poneret Hesperidumq; sacris consideret hortis,  
Spargit ubi variæ doctrinæ semina Pallas,  
Omnigenumq; sophos facundo disferit ore.  
Hoc fas est audire loco, quæ comprobat auris  
Attica, Socraticis quæ sunt dignissima chartis.  
Hic Plato sub platano densâ sermone benigno  
Sæpè dies condit totas. Hic fruge Cleanthes Cor-



Corda salutari replet præceptor honesti,  
Magnus Aristoteles doctâ spaciatur in umbrâ,  
Et rerum causas disquirat acumine gnavo.

Lites argutas clamorosi turba Panætj  
Excitat, atq; logos Chrysippi promittit acervo.  
Hanc vexat Cynicus sapiens mordace cavillo,  
Vexat Aristippus salibusq; jocisq; facetis  
Usq; fluens, hilaresq; jubet traducere luces.

Huc venit & cantor Musis comitatus Homerus,  
Ascræusq; senex Cyrrhæo fonte relicto.  
Hic novus est Helicon, resoniq; colonia Pindi,  
Cortinam & tripodas quò transfudit augur Apollo.

Hic habet, hic veris se jactat Pallas Athenis,  
Ufus ubi follers, & sedula cura magistras  
Artes Mnemosydum nisu peperere secundo,  
Quæ tot replerunt spaciosum frugibus Orbem,  
Mala quot Hesperidum produxit silva bonarum.

Sed non fert auri Sapientia munera fluxi,  
Non Ganges quas voluit opes, vel gryphes avari  
Rupe cavâ condunt, vel clausa Crassus in arcâ.  
Hæc curua in terris mens & coelestium egenâ  
Dona sibi capiat, lento quæ dente vetustas  
Atterit, & vario sors dissipat aspera casu,  
Confert divitias Sophie, quas turba Lavernæ  
Insidiosa nequit piceatâ tollere dextrâ,  
Quas nec Vulcanus, nec Pontus naufragus haurit  
Confert dulce decus, quod nullo intercidet ævo,  
Quisquis enim doctis operatur ritè Camœnis,  
Cœlo transcribit nomen, cineriq; superstes



Non Mausolei poscit monumenta superbi,  
Quæ tempus consumit edax, caprificus & acris,  
Felices Ascræ surgunt à nocte coloni,  
Encaustus veluti phoenix à funere surgit.  
Sic celebrare suos consuevit Apollo camillos,  
Quos iuvat in viridi Pindum coluisse iuventâ.

Ergo tam vecors quis erit, tam Maccus, ut aufir  
Hesperidum cultis pueros prohibere viretis,  
Pectora queis glebâ finxit potiore Prometheus?  
Mens bona divina (quis nescit?) suscitât œstro  
Cœlestes animos, ut in æthera surgere rursus.  
Dextro contendant nisu, terrasq; jacentes  
Despiciant famæ sublimi sede recepti.  
Has stirpes jugi curâ cultuq; qerenni  
Enutrire decet, carpant ut poma nepotes.  
Unâ nocte oritur nemerosa per avia fungus,  
Et saliendo salix ad flumen cœscit amicum.  
Non tam præcipiti partu excluduntur alumni,  
Quos genuit melior felici fidere Phœbus.  
Vix satis est ætas lustrandis saltibus altis,  
Quos Musæ pandunt, ut consummatus in arte  
Aoniâ fias, & nomen grande capesfas,  
Panophie niveo quod possit scribere peplo.  
Nil laudis sociennus iners post putre Vacunæ  
Fanum consequitur. Quem Siren blanda voluptas  
Detinet, exesto. Clausa est hæc janua pigris.

Hæc tantum gnavo palma est captanda labore,  
Qui plures terret studiorum in limine primo.  
Scilicet ad spectu gravis est, cui pallida vultum  
Contraxit macies, rugæq; in fronte seniles. Hinc



Hinc molles Naccas aditu proturbat in ipso,  
Hesperidum ut trepident septos invadere lucos.  
Talis Tisiphone diris armata flagellis,  
Tergeminusq; canis pallentes territat umbras.

Nam quæ vestibuli primâ statione locatur,  
Et circa clausos sinuosis tractibus hortos  
Magna, horrenda, ingens, deformis volvitur hydra,  
Est labor. Hic Sophiæ delubra verenda tuetur,  
Ne quis forte pedem ferat huc, qui mente remissa  
Pythia sacra colit sectator desidi otii,  
Et levibus studiis tempe divina profanet.

Hic hostis tantum cognatis cæditur armis.  
Nempe labore labor fortiq; domatur agone,  
Ut clausas possis Clius perrumpere sedes.  
Ante fores nulli cum lauru Phœbus Apollo  
Occurrit. Pimplæ castos accedere fontes  
Non inproclivi est: obstat non una Chymæra.  
Hic opus est animis, opus est hic Herculis ausu  
Illi, Pieriæ qui se committit arenæ.  
Arripias igitur maculatam Gorgone parmam  
Palladis, injectoq; minas umbone retardes  
Excetræ diræ. Cedendo vincere nescit  
Hostes assiduo virtus acuenda periclo.  
Maturè hoc debet certamen inire juventa.  
Ortu luciferi cum primo stata relinquat.  
Cum ros in cerebro Musis gratisimus hæret,  
Protinus Aonium par est captare laborem,  
Integrosq; dies studiis impendere honestis,  
Et noctes totas tetricæ vigilare Minervæ.



Sic tandem victor sophiæ penetrabis in aulam,  
Et claram capies è lauri fronde coronam. (hortum  
Hunc ergo Hesperidum, quem pingimus hæcens  
Numine propitio cras perlustrare parata est  
Pubes, in nostro quem format Athena Lyceo.  
Scilicet invitat nos ver geniale benigno,  
Quod gremio terræ fragrantès prolicit herbas,  
Floresq; pingit agros, & silvas fronde recingit:  
Invitat precium jucundi dulce laboris,  
Magnifici tribuet quod dextera larga Senatus  
Gnavis, quæ cordi est claros invisere montes,  
Et fontes Phœbi. Nam spem ne perdat in herbâ  
Desidia obrepens, Pindoq; recedat egeno,  
Illicio Præmi blando est captanda juvenus.

At Vos Tutani Breslæ, Consiq; verendi,  
Quorum præsidii Helicon hîc floret amœnus;  
Et Vos fautores Musæ mitesq; Patroni,  
Quos vel cera vetus, vel Jovæ nuncia Pitho,  
Vel Legum consulta Dice, vel sospes Hygea,  
Vel Sophie tandem nostræ cognata Camœnæ  
Dignis evexit titulis famæq; sacravit,  
Vos, inquam, venit oratum summissa Papyrus,  
Ut, si non prohibent graviora negocia, prompti  
Lustretis nostrum præsentè favore Lyceum.  
Non dedignantès Eratûs confidere in umbrâ.  
Pro quibus officiis nunquam non gratus Apollo  
Vestras cantabit laudes cœloq; dicabit.  
Vivite Tithoni, vegeto sed corpore, seclâ,  
Floreat & vobis florentibus alma Budorgis.

P. P. XIII Maji.



# Disignatio Rerum & Personarum.

Dicent in Actus hujus solennis

I. Ingressu, Præloquium, Johannes-Joachimus ab Haunoldt/

II. Progresu, Mythologiam Fabulæ de Hortis Hesperidum, eamq;

1. Explicabunt κατὰ σύνθεσιν,

1. Universim,

1. Brevius in Prosâ, Gotfridus Scholz VratisL.

2. Laxius in Versâ Germ. Abrahamus Climkius Hirschb.

2. Separatim commendaturi,

1. Totum, Hortum, Johannes-Jacobus Crusius Landshut.

2. Partes,

1. Insitas,

1. Arborea, & ex eis,

1. Pomum, Carmine Lat. Christophorus Pomarius Vratislav.

2. Ficum, Johannes Fibigius, Vratislav.

2. Fruges, Aurum, Gotofredus Neander Vratisl.

2. Adsitam, Draconem custodem horti ab Hercule casum, carmine Lat. Fridericus Dollgnad Vrat.

2. Applicabunt κατ' ἐξήγησιν,

1. Generatim, Samuel Grosser Vratislav.

2. Singillatim, prædicaturi Philosophiæ Theoreticæ

1. Partes seu disciplinas, & ex eis,

1. Physicam, Balthasar Copisius Reichenbach.

2. Astronemiam, ejusq;

1. Dignitatem, Zacharias Kampusch VratisL.

2. Utilitatem, Christianus Titius Javoraus,

3. Geographiam, Johannes Laurentius Vratislav.

2. Requisita discenda, & ex iis

1. Tempus, Johannes Zeidlerus Lobaviâ Lusavius,

2. Laborem, Johannes-Heinricus Hübschius Budis.

III. Egresu, Preces metricas pro incolumitate rei Scholasticæ, Ecclesiasticæ, Politicæ ex Georg. Fabricii carminibus sacris excerptas recitabunt,

Gotfridus Kretschmar, Andreas Teichler/

Christophorus Albertus, Johannes Steyer/

Martinus Hofmannus, omnes Vratislav.

Quibus ita peractis Præmia à Magnifico Senatu ulteriori industria ex-citandæ destinata singulis, qui dixerunt, à Brabeutâ distribuentur.





1916-1917

1. The first part of the year was spent in the field, working on the collection of plants and insects. The weather was generally good, but there were some heavy rains in the middle of the year.

2. The second part of the year was spent in the laboratory, working on the collection of plants and insects. The weather was generally good, but there were some heavy rains in the middle of the year.

3. The third part of the year was spent in the field, working on the collection of plants and insects. The weather was generally good, but there were some heavy rains in the middle of the year.

4. The fourth part of the year was spent in the laboratory, working on the collection of plants and insects. The weather was generally good, but there were some heavy rains in the middle of the year.

5. The fifth part of the year was spent in the field, working on the collection of plants and insects. The weather was generally good, but there were some heavy rains in the middle of the year.

6. The sixth part of the year was spent in the laboratory, working on the collection of plants and insects. The weather was generally good, but there were some heavy rains in the middle of the year.

7. The seventh part of the year was spent in the field, working on the collection of plants and insects. The weather was generally good, but there were some heavy rains in the middle of the year.

8. The eighth part of the year was spent in the laboratory, working on the collection of plants and insects. The weather was generally good, but there were some heavy rains in the middle of the year.





Biblioteka Jagiellońska



stdr0009978



